



Broj: 02/1-5270 /22
Kakanj, 26.07.2022. godine

OPĆINA KAKANJ
Općinsko vijeće

STRUČNA SLUŽBA ZA POSLOVE OPĆINSKOG VIJEĆA
KAKANJ

Primljeno: 26.07.2022.			
Org. jed.	Broj	Prilog	Vrijednost
03/1-	375	1/21	...

PREDMET: Zaključak Kolegija Općinskog vijeća, broj: 01/1-19-K-258/22 od 19.07.2022. godine, informacija, *dostavlja se;*

Na 19. sjednici, održanoj 19.07.2022. godine, Kolegij Općinskog vijeća je donio Zaključak, broj: 01/1-19-K-258/22, kojim se upućuje zahtjev Općinskom načelniku da za 20. sjednicu Općinskog vijeća pripremi Informaciju o poduzetim mjerama Općine Kakanj (Službe za privredu, urbanizam i zaštitu okoline i Odsjeka za inspekcije) na lokalitetu Mehorića, općina Kakanj, a povodom izvođenja radova privrednog društva Adriatic Metals Eastern Mining.

Informacija treba sadržati podatke o projektu planiranih i do sada izvedenih radova, podatke o provedenom istraživanju o utjecaju na životnu okolinu rada ovog privrednog društva, podatke o aktivnostima koje je Općina Kakanj poduzela da se javnost o ovome upozna, te o mjerama koje je poduzela da se životna okolina i ljudi zaštite.

U vezi navedenog Zaključka, dostavlja se sljedeća informacija:

Na osnovu Javnog poziva za dodjelu prava na koncesiju za istraživanje i eksploataciju olova, cinka i barita na ležištima rude „Veovača“ i „Rupice-Juraševac-Brestić“, Vlada Zeničko – dobojskog kantona je Ugovorom o koncesiji, broj: 04-18-21389-1/13 dodijelila privrednom društvu „MM Project“ d.o.o. Kreševo koncesiju za istraživanje i eksploataciju metalčkih mineralnih resursa-olova, cinka i barita na ležištima Veovača i Rupice-Juraševac-Brestić u općini Vareš. Predmet koncesije je istraživanje i eksploatacija metalčkih mineralnih resursa olova, cinka i barita na ležištima „Veovača I“, „Veovača II“ i „Rupice-Juraševac-Brestić“ u općini Vareš, u granicama istražno-eksploatacionog prostora: Polje I - Veovača, Polje II - Veovača i Polje III - Rupice-Juraševac-Brestić), koja su ograničena graničnim linijama sa prijelomnim tačkama. Anexom I Ugovora o koncesiji (broj: 04-18-21389-2/13 od 08.10.2013. godine) izvršena je izmjena naziva i sjedišta koncesionara „MM Project“ d.o.o. Kreševo, u novi naziv Koncesionara „Eastern Mining“ d.o.o. Visoko. Anexom II Ugovora o koncesiji (broj: 04-18-21389-3/18. od 19.02.2018. godine), izmjenjeno je sjedište koncesionara na novu adresu u Sarajevu, te je produžen rok za istraživanje i pripremne radove za eksploataciju. Anex III Ugovora o koncesiji (broj: 04-18-21389-3/18 od 14.11.2018. godine), zaključen je na osnovu Odluke Vlade ZDK (broj: 02-18-16470/18 od 29.08.2018. godine) o dodjeli koncesije za istraživanje i eksploataciju mineralne sirovine – olova, cinka i barita, na proširenom ležištu

„Rupice-Borovica“ i „Veovača-Orti-Selište-Mekuše“ u općini Vareš privrednom društvu „Eastern Mining“ d.o.o. Sarajevo.

Studija o procjeni uticaja na okoliš podzemne eksploatacije kompleksne rude olova, cinka, barita i pratećih mineralnih komponenti u ležištu „Rupice“ općina Vareš („Rudarski institut“ d.d. Tuzla), te informacije i podaci o navedenom projektu nalaze se na službenim stranicama privrednog društva „Eastern Mining“ d.o.o. Sarajevo (<https://www.easternmining.ba/esia/>), te Federalnog ministarstva okoliša i turizma (<https://www.fmoit.gov.ba/upload/file/Studija%20o%20procjeni%20uticaja%20na%20okoli%C5%A1%20podzemne%20eksploatacije%20u%20jami%20Rupice%20-%20Netehnicki%20rezime.pdf>).

Javna prezentacija o Studiji procjene utjecaja na okoliš i društvo (ESIA) koja procjenjuje trenutne okolišne i društvene uslove na cijelom području projekta i određuje projektne aktivnosti koje mogu rezultirati uticajem na trenutačno stanje regije održana je 07.12.2021. godine na području općine Vareš.

Kada su u pitanju aktivnosti Općine Kakanj u vezi rješavanja problematike na lokalitetu Mehorić, općina Kakanj, ističemo da je općinska inspekcija, postupajući po prijavama građana, već u mjesecu novembru 2021. godine izvršila obilazak ovog lokaliteta, prilikom čega nisu uočene bilo kakve protivpravne aktivnosti i radnje privrednog društva „Eastern Mining“ d.o.o. Sarajevo, kao ni dugih subjekata, tako da općinska inspekcija nije imala osnov za poduzimanje mjera iz svoje nadležnosti.

Početak 2022. godine, a nakon saznanja da se na pomenutom lokalitetu izvode određeni radovi, općinska inspekcija je izvršila ponovni obilazak predmetnog lokaliteta, utvrdila stanje, te u skladu sa važećim propisima poduzela sve potrebne mjere i aktivnosti u okviru svoje nadležnosti.

Imajući u vidu utvrđeno stanje na terenu odmah je obavještena i Kantonalna uprava za inspeksijske poslove ZDK uz zahtjev da hitno poduzme sve propisane mjere i aktivnosti iz svoje nadležnosti.

U zahtjevima i uregencijama Općine Kakanj traži se da Kantonalna uprava za inspeksijske poslove ZDK u rješavanje predmetne problematike uključi šumarsku inspekciju, vodnu inspekciju, tržišnu inspekciju, rudarsko-geološku inspekciju, inspekciju za zaštitu okoliša..., a radi obilaska terena i poduzimanja propisanih preventivnih i represivnih mjera.

Prema raspoloživim informacijama, kantonalna vodna inspekcija je krajem maja 2022. godine, postupajući po zahtjevu općinske inspekcije poduzela upravne i represivne mjere prema subjektu nadzora, kako bi se postojeće stanje uskladilo sa Zakonom o vodama ZDK.

Urgencija za poduzimanje mjera iz svoje nadležnosti dostavljena je i Inspekciji za zaštitu od požara i vatrogastva ZDK, kao i JP „ŠPD ZDK“ d.o.o. Zavidovići – Šumarija Kakanj i Kantonalnoj upravi za šumarstvo, Odjeljenje Kakanj, a radi postupanja u skladu sa odredbama Zakona o šumama („Službene novine Zeničko-dobojskog kantona“, broj: 8/13, 1/15 i 5/21) koje se odnose na izgradnju objekata, šumske infrastrukture i druge aktivnosti u šumi i na šumskom zemljištu.

Također ističemo da je općinski građevinski inspektor, nakon obilaska terena utvrdio određene nepravilnosti iz svoje nadležnosti, poduzeo propisane upravne i represivne mjere, te subjektu nadzora naložio da u roku 30 dana pribavi urbanističku saglasnost, odnosno odobrenje za građenje. Po isteku navedenog roka obavljen je kontrolni inspeksijski pregled, prilikom čega je utvrđeno da nema novih građevinskih zahvata iz nadležnosti građevinske inspekcije, te da se na terenu vrši sječa šume, izgradnja šumskih puteva i druge aktivnosti koje se odnose na nadležnosti drugih inspekcija i subjekata. O uočenim nepravilnostima obavještene su nadležne kantonalne inspekcije i drugi subjekti.

Postupajući po rješenju općinskog građevinskog inspektora, subjekt nadzora je nadležnoj općinskoj službi dostavio zahtjev za izdavanje urbanističke saglasnosti za poslovne aktivnosti na lokalitetu Mehorić. Subjektu nadzora se mogu izdati saglasnosti za predmetne aktivnosti samo u

slučaju ako Ministarstvo poljoprivrede, vodoprivrede i šumarstva ZDK i JP „ŠPD ZDK“ d.o.o. Zavidovići izdaju sve potrebne, zakonom propisane dozvole, uključujući i vodne dozvole, obzirom da su privremeni objekti postavljeni na lokalitetu kojim upravlja i gazduje JP „ŠPD ZDK“ d.o.o. Zavidovići i Ministarstvo poljoprivrede, vodoprivrede i šumarstva ZDK.

Znači, Općina Kakanj se odmah po saznanjima za dešavanja na lokalitetu Mehorić (novembar 2021. godine) aktivno uključila u rješavanje predmetne problematike i u skladu sa važećim propisima i zakonskim mogućnostima poduzimala sve mjere i aktivnosti iz svoje nadležnosti, te kontinuirano obavještavala i pozivala sve nadležne inspekcije i subjekte da u okviru svojih nadležnosti hitno djeluju na ovom lokalitetu.

Posebno ističemo da u skladu sa odredbama Zakona o šumama („Službene novine Zeničko-dobojskog kantona“, broj: 8/13, 1/15 i 5/21), državnim šumama i šumskim zemljištem upravlja Vlada ZDK putem Ministarstva za poljoprivredu, šumarstvo i vodoprivredu i Kantonalne uprave za šumarstvo, pod uslovima utvrđenim ovim zakonom. Korisnik državnih šuma i šumskog zemljišta je kantonalno šumsko-privredno društvo (JP „ŠPD ZDK“ d.o.o. Zavidovići) koje obavlja poslove gospodarenja državnim šumama i šumskim zemljištem. Šumama na području jednog šumsko-privrednog područja gospodari se po odredbama šumsko-privredne osnove, privremenog godišnjeg plana gospodarenja, godišnjeg plana gospodarenja i projekta za izvođenje radova u šumarstvu. Inspekcijski nadzor nad primjenom ovog zakona i propisa donesenih na osnovu ovog zakona vrši Kantonalna uprava za inspekcijske poslove putem šumarske inspekcije.

Navedenim odredbama Zakona o šumama jasno su definirane dužnosti, obaveze i odgovornosti JP „ŠPD ZDK“ d.o.o. Zavidovići, Kantonalne uprave za šumarstvo i šumarskog inspektora, a u vezi poduzimanja propisanih mjera i aktivnosti iz svoje nadležnosti na lokalitetu Mehorić, pa je stoga Općina Kakanj obavjestila i pozvala navedene subjekte da se hitno uključe u rješavanje predmetne problematike.

Dostaviti:

1 x Naslov;

1 x a/a.



OPĆINSKI NAČELNIK

Mirnes Bajtarević